

摘藻堂四庫全書薈要

集部

欽定四庫全書薈要

集部

李義山詩集注卷三上

詳校官助教臣常循



欽定四庫全書薈要卷一萬四千七十三

集部

李義山詩集注卷三上

吳江朱鶴齡注

正月十五夜聞京有燈恨不得觀

燈光滿帝都香車寶輦隘通衢身閒不睹中興盛

羞逐鄉人賽紫姑

注見中卷

贈趙協律暫

唐六典隋太常協律郎二人皇朝因之舊唐書王質傳質在宣城辟

崔珣劉蕡裴夷直趙暫為從事皆一代名流本集有為安平公兖州奏趙暫充觀察判官狀

俱識孫公與謝公

晉書孫綽字興公博學善屬文除著作佐郎襲爵長樂侯謝公謝安也

二年歌哭處還

一作皆

同已叨鄒馬聲華末

鄒陽司馬相如俱為梁孝

王賓

更共劉盧族望通

原注愚與趙俱出今吏部相公門下又同為故尚書安平公所

客

知復皆是安平公表

姪。劉盧注見中卷

南省恩深賓館在

陸游筆記唐人在本以尚書省在

大明宮之南

故謂之南省

東山事往妓樓空

謝安傳安常住臨安山中每遊賞必以妓女從

不堪歲暮相逢地我欲西征君又東

錢龍惕箋太和七年令狐楚入為吏部尚書仍檢校

右僕射故詩注稱吏部相公也孫公謝公指安平與

彭陽也義山樊南甲集序云樊南生十六能置才論

聖論以古文出公卿間為鄆相國華太守所憐鄆相

國即彭陽華太守即安平也歲暮相逢河梁送
別追感賓館妓樓之事詩所以黯然而作也

搖落

搖落傷年日羈留念遠心水亭吟斷續月幌夢飛沉古

木含風久疎螢怯露深人閒始遙夜

楚詞靚杪
秋之遙夜

地迴更

清砧結愛曾傷晚端憂復至今

謝莊月賦
端憂多暇

未諳滄海路

何處玉山岑灘激黃牛暮

水經江水又東逕黃牛山注
下有灘名曰黃牛灘南岸重

巔疊起最外高崖間有石如人負刀牽牛人黑牛黃成
就分明行者謠曰朝發黃牛暮宿黃牛言水路紆深迴

望如一矢宜都記自黃牛灘東

雲屯

音

白帝陰

郡國志
公孫述

入西陵界至峽口一百餘里

據蜀自稱白帝號

遙知霑灑意不減欲分襟

杜甫詩不堪垂老鬢

還對欲分襟

滯雨

滯雨長安夜殘燈獨客愁故鄉雲水地歸夢不宜秋

偶題二首

小亭閒眠微醉消山榴海栢枝相交水文簟上琥珀枕

東宮舊事有烏韜赤花雙文簟琥珀枕注見上卷

傍有墮釵雙翠翹

七啟揚翠羽之雙翹

清月依微香露輕曲房小院多逢迎春叢定是饒棲鳥

一作
夜飲罷莫持紅燭行

月

過水穿樓觸處明
藏人帶樹遠含清
初生欲缺虛惆悵
未必圓時即有情

夜冷

樹遶池寬月影多
村砧塢笛隔風蘿
西亭翠被餘香薄
左傳楚子翠被豹舄招
魂翡翠珠被爛齊光些
一夜將愁向敗荷

正月崇讓宅

密鎖重關掩綠苔廊深閣迴此徘徊先知風起月含暈

廣韻暈日月旁氣月暈則多尚自露寒花未開蝙蝠拂簾

風王褒關山月風多暈更生

旌終展轉

道源注南史柳世隆命典

鼠翻牕網小驚猜

招魂網戶朱綴銑曰織網於戶上以朱綴之程大昌曰

網戶刻為連文遞相綴屬其形如網後世遂有直織絲

網張之簷憲以護鳥雀者元微

背燈獨共

一作

餘香語

不覺猶歌起夜

一作夜起

來

柳惲起夜來曲颯颯秋桂響悲君起夜來

城外

露寒風定不無情臨水當山又隔城未必明時勝蟬蛤

一生長共月虧盈

呂氏春秋月望則蟬蛤實羣陰盈月晦則蟬蛤虛羣陰缺

撰彭陽公誌文畢有感

舊唐書令狐楚臨沒謂其子曰吾生無益於人

勿請謚號葬日勿請鼓吹誌銘但志

宗門東筆者無擇高位卒年七十二

延陵留表墓

道源注方輿勝覽延陵季子墓在晉陵縣北七十里申浦之西孔子常題曰嗚呼有

吳延陵季子之墓舊石湮滅

峴首送沉碑

注見中卷

敢伐不

唐玄宗命殷仲容摹以傳

加點

用橋衡賦鶚鵬事見上卷

猶當無愧辭

後漢書郭泰卒刻石立碑蔡邕為文謂盧植曰

吾為碑銘多矣皆有慚德惟郭有道無愧色耳

百生終莫報九死諒難追待得

生金後

道源注王隱晉書永嘉初陳國項縣賈逵石碑中生金人鑒取賣賣已復生此江東之瑞也庚

金史四
卷三上
信碑文刺史賈逵之碑既生金
粟將軍衛青之墓方留石麟

川原亦幾移

北青蘿

殘陽西入崦

於檢切○山海經崦嵫山下有虞泉日所入

茅屋訪孤僧落葉

人何在寒雲路幾層
獨敲初夜磬閒倚一枝藤
世界微塵裏吾寧愛與憎

戲贈張書記

別館君孤枕空庭我閉關
池光不受月野氣欲沉山
星漢秋方會關河夢幾還
危絃傷遠道明鏡惜紅顏
古木

含風久平蕪盡日閒心知兩愁絕不斷若尋環

幽人

丹竈三年火

別賦守丹竈而不顧

蒼崖萬歲藤樵歸說逢虎碁罷

正留僧星斗同秦分

晉天文志自井十六度至柳八度為鶡首之次秦分野

人烟

接漢陵

漢帝十一陵在長安

東流清渭苦不盡照衰興

念遠

日月淹秦甸江湖動越吟

史記越人莊烏仕楚為執珪有頃而病楚王曰烏今富貴

笑亦思越否使人往聽之猶尚越聲也登樓賦莊舄顯而越吟

蒼桐

一作梧

應露下白閣

自雲深

白閣注見工卷

皎皎非驚扇

驚扇注見工卷

翹翹失鳳簪

後漢興服

志太皇太后皇太后簪以玳瑁為櫛長一尺端為花勝工為鳳爵以翡翠為羽毛

牀空鄂君被

注見

杵冷女嬃砧

離騷女嬃之婢媛兮注女嬃屈原之姊也楚謂妹為嬃水經注秣歸縣北

有屈原宅宅東北六十里有女嬃廟持衣石猶存

北思驚沙雁南情屬海禽關

山已搖落天地共登臨

過故崔兗海宅與崔明秀才話舊因寄舊僚杜

趙李三掾

崔兗海崔戎也杜趙李三掾即杜勝趙哲李潘也注俱見前

絳帳恩

一作思

如昨

絳帳馬融事見中卷

烏衣事莫尋

世說王公曰元規欲來吾

角巾徑還烏衣方輿勝覽烏衣巷在秦

諸生空會葬

後漢

淮南去朱雀橋不遠王謝子弟所居

書郭泰卒四方之士

舊掾已華簪共入留賓驛

注見中卷

俱

千餘人皆來會葬

分市駿金

戰國策涓人為君求千里馬馬已死買其骨五百金

莫憑無鬼論

幽冥錄阮

瞻素秉無鬼論有一鬼通姓名作客詣之客甚有才情未及鬼神事反覆甚苦客作色曰鬼神古今聖賢所共

傳君何獨謂無即變為鬼形湏臾便滅阮年餘病死終負託孤心

微雨

初隨林靄動稍共夜涼分窻迴

一作過

侵燈冷庭虛近水

聞

南山趙行軍新詩盛稱游讌之洽因寄一絕

南山

終南山也唐書節度使有行軍司馬一人

蓮幕遙臨黑水津

水經漢水又東黑水注之注水出北山南流入漢諸葛亮牋云朝發南鄭

暮宿黑水指是水也

橐鞬無事但尋春

說文橐鞬所以戢弓矢也增韻橐鞬弓衣吳

王司馬非孫武且免宮中斬美人

史記孫武子以兵法見吳王王曰可試以

婦人乎曰可於是出宮中美人百八十人孫子分為二隊以王寵姬二人為隊長即三令五申以鼓之右婦人大笑復三令五申鼓之左婦人復大笑遂斬隊長二人用其次為隊長於是復鼓之皆中規矩繩墨無敢出聲

曲江

司馬相如哀二世賦臨曲江之隍洲注曲江在杜陵西北五里康駢劇談錄曲江開

元中疏鑿為勝境其南有紫雲樓芙蓉苑其西有杏園慈恩寺花卉環周烟水明媚都人遊賞

盛於中和
上巳之節

望斷平時翠輦過空聞子夜鬼悲歌

道源注晉書孝武太元中瑯琊王軻

之家有鬼歌子夜

金與不返傾城色玉殿猶分下苑波

下苑注見中卷

死憶華亭聞唳鶴

晉書宦人孟玖譖陸機於成都王潁機被收歎曰華亭鶴唳可得聞乎

老憂王室泣銅駝

晉書索靖知天下將亂指宮門銅駝曰會見汝在荊棘中耳

天荒

地變心雖折若比陽

疑作傷

春意未多

舊唐書太和九年十月鄭注言秦中有災宜興土工獸之乃濟昆明曲江二池上好為詩每誦杜甫曲江

行云江頭宮殿鎖千門細柳新蒲為誰綠知天寶已
前曲江四岸皆有行宮臺殿百司廨署思復升平故
事乃構紫雲樓彩雲亭內出書額左軍中尉仇士良
以百戲於銀臺門迎之壬午賜羣臣宴於曲江亭十
一月有甘露之變流血塗地京師大駭十二月甲申
勅罷修曲江亭館此詩前四句追感玄宗與貴妃臨
幸時事後四句則言王涯等被禍憂
在王室而不勝天荒地變之悲也

景陽井

注見
中卷

景陽宮井剩堪悲不盡龍鸞誓死期腸斷吳王宮外水

濁泥猶得葬西施

隋書高顗先入建康晉王廣使馳告
顗令留張麗華顗曰昔太公蒙面以

斬妲己今豈可留麗華乃斬之於青溪○楊慎曰墨子
云西施之沈其美也蓋勾踐平吳後沉之於江杜牧所

謂逐鵝夷者安知不謂子胥乎皮日休館娃宮懷古詩
響屧廊中金玉步採香徑裏綺羅身不知水葬歸何處
溪月灣灣欲效顰李義山
景陽井一首亦叶此意

故番禺侯以贓罪致不辜事覺母者他日過其

門

舊唐書廣州南海縣即
漢番禺地有番山禺山

飲鳩非君命茲身亦厚亡江陵從種橘

襄陽耆舊傳吳
丹陽太守李衡

每欲治家事妻輒不聽後密遣人往武陵龍陽泛洲
上作宅種柑橘千株衡亡後柑橘成歲得絹數千匹

交

廣合投香

晉書吳隱之隆安中為廣州刺史歸自番禺
其妻劉氏齋沉香一筋隱之見之遂投於湖

亭之水宸宇記取投石門內水中
後人謂之沉香浦亦名曰投香浦不見千金子空餘數

金
卷三上
仞牆殺人須顯戮誰舉漢三章

咏雲

捧月三更斷藏星七夕明纔聞飄迴路旋見隔重城潭
暮隨龍起河秋壓鴈聲只應惟宋玉知是楚神名

夜出西溪

西溪注
見上卷

東府憂春盡

山諫之丹陽記東府城地晉簡文為會稽王時第也東則丞相會稽王道子府道子

領揚州故
俗稱東府

西溪許日曛月澄新漲水星見欲銷雲柳好

休傷別松高莫出羣軍書雖倚馬

晉書桓溫北征鮮卑喚袁虎倚馬前作露

布文手
不輟筆

猶未當能文

時義山在河東
公幕府故云然

效長吉

長長漢殿眉

後漢馬廖疏長安語曰城中好廣眉四方且半額

窄窄楚宮衣

庾肩

吾詩細腰
宜窄衣

鏡好鸞空舞簾疎燕誤飛君王不可問昨夜

約黃歸

黃額黃也梁簡文帝詩約
黃能效月裁金巧作星

柳

江南江北雪初消漠漠輕黃惹嫩條灞岸已攀行客手

楚宮先騁舞姬腰清明帶雨臨官道晚日含風拂野橋

如線如絲正牽恨

南史劉俊之獻蜀柳數株枝條甚長狀如絲縷

王孫歸路一

何遙

九月於東逢雪

於東商於東也

舉家忻共報秋雪墮前峰
嶺外他年憶於東此日逢
粒輕還自亂花薄未成重
豈是驚離鬢應來洗病容

四皓廟

本為留侯慕赤松
漢庭方識紫芝翁
蕭何只解追韓信
豈得虛當第一功

送阿龜歸華

草堂歸意背烟蘿黃綬垂腰不奈何

道源注初學記四百三百二百石皆

黃綬一采純黃圭長丈五尺六十首漢官儀云黃綬緣八十首長丈七尺

因汝華陽求藥物

碧松根下茯苓多

別錄茯苓生大松下二月八月採陰乾唐本草茯苓第一出華山形極麤

大雍州南山亦有不如華山

九日

曾共山翁把酒時

一作危（山翁山簡也）以彭陽公

霜天白菊繞堦墀

十年泉下無人問

一作消息

九日樽前有所思不學漢臣栽

苜蓿

漢書大宛馬嗜苜蓿工遣使者採歸種之離宮

空教楚客詠江離

說文江離

博物志苜蓿苗曰江離根曰廉蕪楚詞覽椒蘭其若茲兮又況揭車與江離

郎君官貴施行

馬

周禮設枰桓再重注枰桓行馬也或曰行馬遶舍交木以禦衆漢官儀光祿勳門外特施行馬以旌別之

後世人臣得用行馬始此

東閣

一作閣

無因再得窺

漢書公孫弘開東閣以延賢人

北夢瑣言李商隱員外依彭陽令狐楚以箋奏受知

相國既没子絢繼有韋平之拜疎隴西未常展分重

陽日義山詣宅於廳事上留題云云絢覩之慙悵乃

扃閉此廳終身不處唐詩紀事絢惡商隱從鄭亞之

辟疎之重陽日商隱留詩於其廳事云云絢乃補太

學博士召溪漁隱曰唐史義山從王茂元辟其子絢

以為忘家思放利偷合謝不通絢當國商隱歸窮絢

憾不置則義山此詩必此時作也但絢父名楚商隱

又受知於楚詩中楚客之語更不避其家諱何耶錢
龍惕箋文宗時李宗閔牛僧孺令孤楚與李德裕大
相仇怨德裕相武宗五年雖未嘗忘情於太牢然救
楊嗣復李珣之死猶有大臣之度大中和初立贊皇萌
驕乘之禍令狐綯當國舉贊皇之客誅剪無孑遺矣
義山自開成登第後累辟王茂元鄭亞盧弘正府三
人皆太尉妻用故綯尤深惡之十年秉
政抑之終於使府綯真險刻寡恩哉

僧院牡丹

葉薄風才倚枝輕霧不勝開先如避客色淺為依僧粉

壁正蕩水絳幃初卷燈

韻會絳淺黃色○道源注
蕩水言花影卷燈言花光

傾城

惟待笑要裂幾多繒

帝王世紀妹喜好聞裂繒之
聲桀為發繒裂之以適其意

贈司勳杜十三員外

注見上卷

杜牧司勳字牧之清秋一首杜秋

一作詩

杜牧杜秋傳

也年十五為李錡妾錡叛滅入官有寵於景陵穆宗即位命秋為皇子傅姆皇子壯封漳王鄭注用事誣丞相

欲去已者指王為根王被罪廢削秋因賜歸故里子過

金陵感其窮且老為之賦詩云云西谿叢語新書李德裕傳漳王養母杜仲陽歸浙西有詔在所存問南部新書云杜仲陽即杜秋也

前身應是梁江

總名總還曾字總持

南史江總字總持篤學有文辭仕梁為尚書僕射入陳厯官尚書令

陳亡入隋心鐵已從干鎔利

魏志注魏武令曰長史王

拜上開府

越春秋闔閭使歐冶子

造二劍一十將一鎔

鬢絲休歎雪霜垂

杜牧詩今日鬢絲禪榻畔

茶烟輕颺落花風。按牧之杜秋娘詩乃自寓天漢江
涯遲暮之感耳故此詩有鬢絲休歎雪霜垂之句

遠弔西江水羊祜韋丹盡有碑

原注時杜奉詔撰韋碑
○晉書羊祜都督荊州

甚得江漢之心卒時年五十八百姓於峴山建碑立廟
其上望其碑者莫不流涕杜預名之曰墮淚碑通鑑大
中三年正月上與宰相論元和循吏孰為第一周墀曰
臣嘗守土江西聞觀察使韋丹功德被於八州沒四十
年老稚歌思如丹尚存乙亥詔史
館修撰杜牧撰丹遺愛碑以記之

高花

花將人共笑籬外露繁枝宋玉臨江宅

注見上卷

牆低不礙

一作

窺

登徒子好色賦此女登
牆窺臣三年至今未許

嘲桃

無賴天桃面平明露井東春風為開了却擬笑春風

送豐都李尉

唐書豐都縣屬忠州
義寧二年析臨江置

萬古商於地憑君泣路岐固難尋綺季可得信張儀
雨氣燕先覺葉陰蟬遽知望鄉尤忌晚山晚更參差

天平公座中呈令狐令公時蔡京在坐京曾為

僧徒故有第五句

唐書方鎮表元和十五年賜
鄆曹濮節度使號天平軍節

度使唐詩紀事邕州蔡大夫京者故令狐文公
楚鎮滑臺日於僧中見之曰此童眉目疎秀進

退不懾可以勸學乎師從之乃得陪學於相國
子弟後以進士舉上第尋又學究登科作尉畿
服為御史覈獄淮南李相紳憂悸而卒頗傳繡
衣之稱謫居澧州稍遷撫州刺史後假節邕交
沒而藁殞其地舊唐書大中三年二月貶殿中
侍御史蔡京為澧州司馬通鑑咸通三年京以
左庶子為嶺南西道
節度使後賜自盡

罷執霓旌上醺壇

高唐賦霓為旌翠為蓋西都賦虹旃霓旌

慢粧嬌樹水晶

盤

水晶盤注見上卷

更深欲訴蛾眉斂衣薄臨醒玉艷寒

座中必有

官妓

白足禪僧思敗道

法苑珠林魏太武時沙門曇始甚有神異足不躡履跣行泥穢

故云

中奮足便淨色白如面

青袍御史擬休官

杜甫詩青袍也自公

雖

俗號曰白足阿練也

然同是將軍客

將軍謂天平公

不敢公然仔細看

唐詩紀事令狐文公在天平後堂宴樂蔡京時在坐故義山詩云云愚按天平公未知為誰若果是楚不應下又出令狐公雖令狐父子先後為中書門下平章事皆可稱令公然以此詩五六語証之知必為絢而非楚也白足禪僧擬蔡京青袍御史必義山自謂義山以會昌三年應王茂元之辟始授御史去楚沒時久矣史稱絢排窄義山謝不與通以九日一詩驗之良信然集中酌寄令狐之作不下數首皆在就辟茂元之後何歟此詩又於天平坐中會飲可証絢雖心憾義山未嘗顯與之絕也九日題詩自是文人恃才本色而絢之城府奸深亦於此見之矣

江上憶嚴五廣休

一本入集外詩

征南幕下帶長刀夢筆深藏五色毫

一作夢

逢著澄江不

敢詠鎮西留與謝功曹

謝朓詩澄江淨如練南史朓為齊隨王子隆鎮西功曹除新安

王中軍

記室

餞席重送從叔余之梓州

莫歎萬重山君還我未還武關猶悵望何況百牢關

注見

中卷

訪隱

路到層峰斷門依老樹開月從平楚轉

謝朓詩平楚正蒼然注平楚叢

木廣遠也

泉自上方來

維摩經汝往上方界分度四十二恒河沙佛土

薤白羅朝饌

潘岳閒居賦綠葵含露白薤負霜唐本草薤是韭類有赤白二種白者補而美

松黃暖夜盃

本草

松花曰松黃裴嗣

相留笑孫綽空解賦天台

文選注孫綽聞天台

山神秀可以長往因使圖其狀遙為之賦

寓興

薄宦仍多病從知竟遠遊談諧叨客禮休澣接冥搜

休澣

即休沐鮑照詩休澣自公

樹好頻移榻雲奇不下樓豈

日天台賦序遠寄冥搜

關無景物自是有鄉愁

東南

東南一望日中烏欲逐義和公得無且向秦樓棠樹下

每朝先覓照羅敷

樂府陌上桑日出東南隅照我秦氏樓秦氏有好女自名為羅敷

歸來

舊隱無何別歸來始更悲難尋白道士不見惠禪師

按集

內有贈白道者絕句一首此詩白道士即其人也又李洞有贈三惠師詩韓退之有送惠上人詩亦與義山同時人有引晉釋白遠及惠遠者非是草徑蟲鳴急沙渠水下遲却將波浪

眼清曉對紅梨

子直晉昌李花

長安志西陽雜俎載令狐宅在開化坊牡丹最盛而李商隱詩

多言晉昌里第未詳按令狐綯字子直以此詩考之晉昌乃綯之居也

吳館何時燹

吳越春秋闔閭城西硯石山上有館娃宮

秦臺幾夜熏

鳳臺事見中卷

綃輕誰解卷香異自先聞月裏誰無姊雲中亦有君

注俱

見上卷

樽前見飄蕩愁極客襟分

河清與趙氏昆季讌集得擬杜工部

舊唐書河清縣屬河

南府咸亨四年置大基縣先天元年改為河清

勝槩殊江右佳名逼渭川虹收青嶂雨鳥沒夕陽天客

鬢行如此滄波坐渺然此中真得地漂蕩釣魚船

寓目

園桂懸心碧池蓮飫眼紅

道源注廣韻飫飽也厭也佛書眼以色為食

此生

真遠客幾別即衰翁小幌風烟入高窻霧雨通新知他日好錦瑟傍朱櫳

題道靜院院在中條山故王顏中丞所置虢州

刺史捨官居此今寫真存焉

宣室志河中永樂縣道靜院居蒲中

之勝境文宗時道士鄧太玄煉丹於此括地志蒲州河東縣雷首山一名中條山亦名首陽山

紫府丹成化鶴羣

紫府注見上卷神仙傳蘓仙公耽升雲而去後化白鶴止郡城東北樓又

丁令威亦化白鶴

集遼東華表柱

青松手植變龍文

抱朴子松樹之三千年歲者其皮中有

聚脂狀如龍形王維

詩種松皆老作龍鱗

壺中別有仙家日

壺中事見上卷

嶺上猶

多隱士雲

陶弘景答詔詩山中何所有嶺上多白雲

獨坐遺芳成故事寒帷

舊貌似元君

老子內傳受元君神圖寶章變化之方及還丹伏火水汞液金之術真誥常月月朝

太素三元君常建詩夢寐升九崖香靄達元君

自憐築室靈山下徒望朝嵐與

夕曛

賦得桃李無言

天桃花正發穠李蕊方繁應候非爭艷成蹊不在言

史記

桃李不言
下自成蹊

靜中霞暗吐香處雪潜翻得意搖風態含情

泣露痕

李賀詩芙蓉
泣露香蘭笑

芬芳光上苑寂默委中園赤白徒

自許幽芳誰與論

登霍山驛樓

唐書義寧元年以霍邑趙城汾
西靈石置霍山郡有霍山祠

廟列前峰迴

水經注河東霍太山有嶽廟甚靈
鳥雀不棲其林猛虎常守其庭

樓開四

望窮嶺巖嵐色外

說文巖小鼠也爾雅有
蜚毒者或謂之甘口鼠

陂鴈夕陽中

弱柳千條露衰荷一面

一作
向非

風壺關有狂孽

漢書上黨
郡有壺口

關有壺關縣應劭曰黎侯國也寰宇記壺關在潞
州城東二十五里因山似壺故名狂孽謂劉稹

連繼

老生功

唐書高祖兵發太原次靈石縣隋將宋老生屯
霍邑以拒義師太宗與段志玄自南原引兵馳

下衝老生陣出其背老生兵敗
投壘劉弘基就斬之遂取霍邑

寄和水部馬郎中題興德驛

原注時昭
義已平

仙郎倦去心鄭驛暫登臨水色瀟湘濶沙程朔漠深
鷁舟時往復鷗鳥恣浮沉更想逢歸馬悠悠嶽樹陰

題小松

一作
柏

憐君孤秀植庭中細葉輕陰滿座風桃李盛時雖寂寞

雪霜多後始青葱一年幾變

一作度

枯榮事百尺方資柱

石功為謝西園車馬客

西園注見中卷

定悲搖落盡成空

行次昭應縣道上送戶部李郎中充昭義攻討

唐書地理志天寶二年分新豐萬年置會昌縣七載省新豐改會昌為昭應治溫泉宮之西北方鎮表大厯元年相衛六州節度賜號昭義軍節度建中元年昭義節度兼領澤潞二州徙治潞州劉稹傳會昌三年昭義節度使劉從諫卒子稹拒命自為留後詔以成德王元逵魏博何弘敬為招討使與河東劉沔河陽王茂元合兵討之四年七月郭誼斬稹傳首京師

將軍大旆掃狂童

左傳祁瞞亡大旆之左旃唐書李德裕曰劉稹駭孺子耳

詔選名

賢贊武功暫逐虎牙臨故絳

漢匈奴傳本始二年遣雲中太守田順為虎牙將軍

出五原左傳晉人謀去故絳一統志絳

州春秋時屬晉即故絳與新田之地

遠含鷄舌過新

豐

漢官儀尚書郎懷香握蘭含雞舌奏事新豐注見中卷

魚遊沸鼎知無日

丘遲與陳

伯之書將軍魚

遊於沸鼎之中

烏覆危巢豈待風早勒勲庸燕石上

後漢

書竇憲登燕然山

命班固勒石紀功

佇光綸綍漢廷中

水齋

多病欣依有道邦南塘晏起想秋江卷簾飛燕還拂水

開戶暗蟲猶打窻更閱前題

一作頭非

已披卷仍斟昨夜未

開缸誰人為報故交道莫惜鯉魚時一雙

奉同諸公題河中任中丞新創河亭四韻之作

唐書河中府河東郡

本蒲州屬河東道

萬里誰能訪十洲新亭雲構壓中流河鮫縱翫難為室

海蜃遙驚耻化樓

史天官書海旁蜃氣象樓臺

左右名山窮遠目東

西大道鎖輕舟獨留巧思傳千古長與蒲津作勝遊

唐書

河中府河西縣有蒲津關開元十二年鑄八牛牛有一人策之牛下有山皆鐵柱夾岸以維浮梁

過故府中武威公交城舊莊感事

舊唐書交城縣屬太原府

隋分晉陽縣置取縣西北古交城為名武威公
王茂元也本集偶成轉韻詩武威將軍使中使

信陵亭館接郊畿

一統志信陵亭在開封府城內相國寺前本魏公子無忌勝遊之地舊有

亭按茂元乃鄜坊節度使

幽象遙通晉水祠

道源注水經注晉水

有唐叔虞祠側有涼堂雜樹交蔭希見曦景羈遊宦
子莫不尋梁契集用相娛慰晉川之中最為勝處

落高門喧燕雀風飄大樹撼

一作感

熊羆

埤雅熊好舉木引氣爾雅注羆

猛慙多力新蒲似筆思投日

後漢書班超為官傭書久勞苦投筆歎曰大丈夫當

能拔樹木

立功異域安能

芳草如茵憶吐時

謝萬春遊賦草靡靡以成茵漢書丙吉馭

久事筆硯乎

吏嗜酒醉嘔丞相車上西曹吏白欲

山下祇

音支一作只

今

斥之吉曰此不過汚丞相車茵耳

黃絹字

魏略邯鄲淳作曹娥碑蔡邕題其後曰黃絹幼婦外甥壺白楊修讀之即解曹操行三十里乃

悟曰黃絹色絲絕字也幼婦少女妙字也外孫女子好字也壺白受辛器辭字也言絕妙好辭與修合 淚

痕猶墮六州兒

用墮淚碑事按茂元開成中授忠武軍節度會昌中授河陽軍節度舊書地理

志忠武軍管許陳蔡三州河陽

軍管孟懷衡三州故曰六州

贈田叟

荷篠衰翁似有情相逢攜手遶村行
燒畬曉映遠山色

韻會畬火種田也杜

甫詩燒畬度地偏

伐樹暝傳深谷聲
鷗鳥忘機翻泱

洽

列子海上有每旦從鷗鳥遊鷗之從者百數其父令取來鷗鳥舞而不下本集太倉箴海翁忘機鷗故

不交親得路昧平生撫躬道直誠感激在野無賢心自驚

贈別前蔚州契苾使君

原注使君遠祖國初功臣也○唐書蔚州興唐

郡屬河東道隋鴈門郡之靈丘上谷郡之飛狐縣地武德六年置蔚州又曰契苾何力其先鐵勒別部之酋長貞觀六年隨其母率衆千餘家詣沙州奉表內附後以軍功封涼國公

何年部落到陰陵

按史記顓頊任地北至幽陵南至交趾陰陵疑即幽陵唐書貞觀二十年

鐵勒九姓大酋領率衆降分置瀚海燕然金微幽陵等九都督府

奕

一作三

世勤王國史

稱公光右豹韜衛將軍貞司膳少卿夜掩牙旗千帳

唐書何力三子明光貞明襲爵涼國

雪

牙旗注見中卷

朝飛羽騎一河冰

謝靈運征賦序羽騎盈途飛鈴蔽日

蕃兒襁

負來青塚

青塚注見中卷

狄女壺漿出白登

漢書注白登在平城東南十餘里括

地志朔州定襄縣本漢平城縣東北三十里有白登山山上有臺

日晚鷓鴣泉畔獵

唐書

西受降城北三百里有鷓鴣泉寰宇記鷓鴣泉在豐州北胡人飲馬於此

路人遙識

一作鄧

都鷹

漢書鄧都行法不避貴戚號曰蒼鷹景帝拜為雁門太守匈奴竟都死不近雁門

和人題真娘墓

原注真娘吳中樂妓墓在虎丘山下寺中

虎丘山下劍池邊

吳越春秋闔閭死葬於國西北名曰虎丘方輿勝覽劍池在虎丘寺磐郛

魚腸之劍在焉故曰劍池

長遣遊人嘆逝川
胃樹斷絲悲舞席
出雲

清楚想歌筵柳眉空吐效顰葉

莊子西子病心而曠其里醜人見而效之榆

英還飛買笑錢

鮑照詩千金顧笑買芳年

一自香魂招不得祇應江

上獨嬋娟

人日即事

董勛答問正月七日為人日

文王喻復今朝是

易七日來復

子晉吹笙此日同

列仙傳王子晉七月

七日乘白鶴駐縑氏山頭

舜格有苗旬太遠

書七旬有苗格

周稱流火月難

窮

詩七月流火

鏤金作勝傳荆俗翦綵為人起晉風

荆楚歲時記人

日翦綵為人或鏤金箔帖屏風工亦戴之頭髻賈充典
戒人日造華勝相遺又劉臻妻陳氏進見儀曰人日上

人勝
於人獨想道衡詩思苦離家恨得二年中

薛道衡人日思歸詩入春

才七日離家已二年人
歸落鴈後思發在花前

春日寄懷

世間榮落重逡巡我獨丘園坐四春縱使有花兼有月

可堪無酒又無人青袍似草年年定白髮如絲日日新

欲逐風波千萬里未知何路到龍津

道源注任昉知已
賦過龍津而一息

望鳳條
而再翔

和劉評事永樂閒居見寄

白社幽閒君暫居

晉書董京與隴西計吏俱至洛陽逍遙吟詠常宿白社中

青雲器

業我全疎

五君詠仲容青雲器

看封諫草歸鸞掖

掖殿旁小門也楊汝士詩文章

舊價留

尚賁衡門待鶴書

北山移文鶴書赴隴善注蕭子良古今篆隸文體曰鶴頭

鸞掖

書與偃波書俱詔版所用

在漢謂

蓮聳碧峰關路近

蓮謂

之尺一簡彷彿鶴頭故有其稱

花
峰荷翻翠扇水堂虛自探典籍忘名利歆枕時驚落蠹

魚

和馬郎中移白菊見示

陶詩只採黃金實

玉函方甘菊九月上寅日採名曰金精

郢曲新傳白雪

英

宋玉對楚王問客有歌於郢中者曰下里巴人屬而和者數千人為陽春白雪國中和者不過數人謝希

逸琴論白雪師曠所作商調曲也

素色不同籬下發繁花疑自月中生

浮杯小摘開雲母

謝靈運永嘉記百卉正發時聊以小摘供日

帶露全移綴

水精偏稱含香五字客

郭頌魏晉世語司馬景王命中書郎虞松作表再呈不可意令

松更定之經時竭思不能改中書郎鍾會取草視為定五字松悅服以呈景王王曰不當爾耶松曰鍾會也王曰如此可大用沈佺期詩五字擢英才

從茲得地始芳榮

喜聞太原同院崔侍御臺拜兼寄在臺三二同

年之什

鵬魚何事遇屯同雲水升沉一會中劉放未歸雞樹老

魏志劉放字子棄涿郡人說王松附太祖以放參司空軍事後與孫資久典機任夏侯獻曹肇心不平殿中有鷄棲樹二人相謂曰此亦久矣其能復幾放資懼陰圖間之薦曹爽為大將軍獻肇皆免急就篇注皂莢樹一名雞棲
鄒陽新去兔園空雪賦梁王不悅遊於兔園乃置青酒命賓友召鄒生延枚叟

寂寥我對先生柳

陶潛集有五柳先生傳

赫奕君乘御史驄

後漢書桓

典拜侍御史常乘驄馬京師

若向南臺見鶯友

通典御史臺亦

語曰行行且止避驄馬御史

謂之蘭臺寺梁及後魏北齊或謂之南臺魏制有公事

百官朝會名簿自尚書令僕以下悉送南臺鶯友嚶鳴

之友注
為傳垂翅度春風馮異傳始雖垂翅回

見中卷
為傳垂翅度春風谿終能奮翼澠池

喜雪

朔雪自龍沙

注見上卷

呈祥勢可嘉

雪賦盈尺則呈瑞於豐年

有田皆種

玉

注見上卷

無樹不開花班扇慵裁素

班婕妤怨歌行新製齊紈扇皎潔如霜雪

曹衣詎比麻

曹風麻衣如雪

鵝歸逸少宅

法書要錄王羲之性好鵝山陰曇磧村有

道士養好者十餘王往求市易道士言府君若能自屈書道德經兩章便合羣以奉王住半日為寫畢籠鵝以

歸白居易詩雪

鶴滿令威家

搜神後記丁令威本遼東人後化白鶴歸集城門華

似鷺毛飛散亂

表柱空中言曰有鳥有鳥丁令威去家千年今始歸謝

惠連雪賦皓鶴奪鮮白居易雪詩舞鶴庭前毛稍定

寂寞門扉掩

錄異傳漢時大雪積地丈餘洛陽令身出按行至袁安門無有路謂安已死除雪入

戶見安僵卧問何以不出

依稀履跡斜

用東郭先生事見上卷

人

疑遊麪市

束皙賦重羅之麪塵飛雪白張說對雪詩積如沙照月散似麪從風白居易雪詩北市風

生飄散麪東樓

馬似困鹽車

戰國策驥服鹽車而上太行梁簡文帝雪詩鹽飛亂

蝶舞洛水妃虛妬

洛神賦飄飄兮若流風之迴雪

姑山客漫誇

莊子藐姑射之山有

神人馬肌

聯辭雖許謝

用謝道韞事見上卷

和曲本慚巴

注見前琴賦紹

陵陽度巴人

粉署闌全隔

漢官儀省中皆胡粉塗壁故曰粉署

霜臺路正

賒通典御史為風霜之任故曰霜臺

此時傾賀酒相望在京華

柳枝五首

有序

柳枝洛中里娘也父饒好賈風波死湖上其母不念他

兒子獨念柳枝生十七年塗粧縮髻未嘗竟已復起去

吹葉嚼蕊調絲擷

音管

說文擷一指按也南都賦彈琴擷箏

作天海風濤

之曲幽憶怨斷之音居其旁與其家接故往來者聞十

年尚相與疑其醉眠夢

一本有物字

斷不娉余從昆讓山比

柳枝居為近他日春曾陰讓山下馬柳枝南柳下詠余

燕臺詩柳枝驚問誰人有此誰人為是讓山謂曰此吾

里中少年叔耳柳枝手斷長帶結讓山為贈叔乞詩明

日余比馬出其巷柳枝了鬟畢粧

陳啟源曰了鬟謂頭上梳雙髻未適人之

粧也辛延年詠胡姬兩鬟何窈窕正指十

五歲時劉禹錫詩云花面了頭十三四抱立扇下風

鄣一袖指曰若叔是

句

後三日隣當去濺

音

裙水上

北史

竇泰母夢風雷有娠期而不產甚懼有巫者曰度河湔
裙產子必易便向水所忽見一人曰當生貴子可徙而
南母從之俄而生泰及長為御史中尉王燭
寶典元日至晦日並為舖食士女湔裙度厄以博香山

待與郎俱過余諾之會所友有偕當詣京師者戲盜余

卧裝以先不果留雪中讓山至且曰為東諸侯取去矣

明年讓山復東相背於戲上

史記索隱戲工在新豐縣東二十里戲亭北孟康曰

水名
也
因寓詩以墨其故處云

花房與蜜脾

注見上卷

蜂雄蛺蝶雌同時不同類那復更相

思

本是丁香樹春條結始生

本草丁香出交廣木類桂高丈餘葉似櫟陵冬不凋花圓

細黃色其子出枝蕊上如丁子中有麤大如山茱萸者謂之母丁香按陳藏器云丁香擊之則順理而解為兩向杜詩丁香體柔弱亂結枝猶墊蓋其合則為結也

玉作彈碁局中心亦不平

注見

上卷

嘉瓜引蔓長碧玉冰

去聲

寒漿東陵雖五色

阮籍詩昔聞東陵瓜近在

青門外連畛距阡陌子母相鉤

不忍植

治去聲

牙香

帶五色曜朝日嘉賓四面會

柳枝井上蟠

言種非其所

蓮葉浦中乾錦鱗與繡羽

鮑照芙蓉賦漾

錦鱗而夕映曜繡羽以晨過

水陸有傷殘

畫屏繡步障物物自成雙如何湖上望只是見鴛鴦

燕臺四首

風光冉冉東西陌幾日嬌魂尋不得蜜房羽客類芳心

蜜房蜂房也郭璞蜂賦亦託名於羽族

冶葉倡條徧相識

花叢無所不入

暖藹輝

遲桃樹西高鬟立共

一作共立

桃鬟齊雄龍雌鳳杳何許絮

亂絲繁天亦迷

春心如絮亂絲繁天若有情亦當迷矣

醉起微陽若初曙

微陽夕陽也

映簾夢斷

聞殘語愁將鐵網罟珊瑚

注見上卷

海濶

天翻迷處所

高唐賦雲無處所

衣帶無情有寬窄春烟自碧秋

霜白研丹擘石天不知

呂氏春秋石可破也而不可奪堅丹可磨也而不可奪亦

得天牢鎖冤魄

道源注漢書戴匡六星六曰司災在魁中貴人之牢孟康曰貴人牢曰天畢即

天牢也情不得伸故曰冤魄

夾羅委篋單綃起香肌

一作眠

冷襯瑤瑤

珮今日東風自不勝化作幽光入西海

冤魄鎖天牢幽光入西海皆所

謂幽憶怨

斷之音也

右春

前閣雨簾愁不捲後堂芳樹陰陰見石城景物類黃泉

石城注見上卷宋玉諷賦君不御

夜半行郎空柘彈

文選

兮妄誰怨死日將至兮下黃泉

注古史考云柘樹枝長而勁烏集之將飛柘起彈烏烏

乃呼號因名烏號弓道源注南部烟花記陳宮人喜於

春林放

綾扇喚風閭闔天

漢書注閭闔天門也

輕帷翠幕波淵旋

柘彈

道源注帷幕風動

蜀魂

一作魄

寂寞有伴未

蜀都賦鳥生杜宇之魄

如旋波之有文

幾夜瘴花開木棉

木棉注見中卷

桂宮留影光難取

桂宮謂月宮

媽

薰蘭破輕輕語

洛神賦含辭未吐氣若幽蘭

直教銀漢墮懷中未遣

星妃鎮來去

星妃謂織女說文妃匹也

濁水清波何異源濟河水清

黃河渾安得薄霧起綳裙

梁范靜妻沈氏竹火籠詩氤氲擁翠被出入隨綳裙

手

接雲輶呼太君

真誥駕風騁雲輶道源注道書有太極道君太虛上真元君

右夏

月浪衝

一作衡

天天宇濕涼蟾落盡疎星入雲屏不動掩

孤嚙西樓一夜風箏急

風箏注見上卷

欲織

一作識

相思花寄遠

終日相思却相怨但聞北斗聲廻環

杜甫詩七星在北戶河漢聲西流

不見長河水清淺

古詩河漢清且淺

金魚鎖斷紅桂春

道源注金魚即

魚鑰也一品集平泉

古時塵滿鴛鴦茵

茵褥也西京雜記飛燕為皇后

駐有剡溪之紅桂

其女弟上堪悲小苑作長道

南史文惠太子求東田起小苑

玉樹未憐

遺鴛鴦褥

亡國人

用陳後主事見上卷

瑤琴

一作瑟

惛惛藏楚弄

嵇康琴賦亂曰惛惛琴德

不可測兮藝文類聚後漢蔡邕好琴道每一曲製三

弄琴悉曰琴曲有蔡氏五弄又有九引九曰楚引

越

羅冷薄金泥重

錦裙記惆悵金泥簇蝶裙

簾鉤鸚鵡夜驚霜喚起南

雲繞雲夢

陸機賦指南雲以寄欽高堂賦序昔者楚襄王與宋玉遊於雲夢之臺望高堂之觀

雙

璫丁丁聯尺素

即前詩玉璫緘札

內記湘川相識處歌唇一世

銜雨看可惜馨香手中故

右秋

天東日出天西下雌鳳孤飛女龍寡

通卦驗鳳仁鳥也雄曰鳳雌曰凰左

傳帝賜夏孔甲乘龍河漢各二有雌雄法苑珠林梁釋法聰臨泉有雌龍雄龍各就手取食此云女龍即雌龍

也青溪白石不相望

陳啓源曰按古今樂錄云神弦歌十一曲五曰白石郎六曰青溪小

姑青溪白石正指此也搜神後記云沙門曇遂入青

溪夢一婦人曰我是青溪廟中姑不相望言杳隔也堂

中遠甚蒼梧野

詩眺詩雲去蒼梧野

凍壁霜華交隱起芳根中斷

香心死浪乘畫舸憶蟾蜍月娥未必嬋娟子

月娥謂月中常娥

楚管蠻絃愁一槩空城舞罷腰支在當時歡向掌中銷

桃葉桃根雙姊妹

注見上卷

破鬟矮

一作委

墮凌朝寒

矮墮注見中卷

白玉燕釵黃金蟬

玉燕釵注見上卷黃金蟬亦首飾韓偓詩醉後金蟬重

風車雨

馬不持去蠟燭啼紅怨天曙

右冬

河內詩二首

鼙鼓沈沈虬水咽

孫綽刻漏銘靈虬吐注陰蟲承瀉

秦絲不上蠻絃絕

秦絲秦箏也通典秦蒙恬始作箏

曹植詩秦箏發西氣齊瑟揚東謳

常娥衣薄不禁寒

杜甫

詩斟酌常娥寡

蟾蜍夜艷秋河月碧城冷落空蒙

一作濛

天寒奈九秋

烟

碧城注見上卷

簾輕幙重金鈎欄

古今注漢顧成廟槐樹悉設扶老鈎欄李賀詩啼蛄

弔月鈎

靈香不下兩皇子

道源注真誥周靈王有子三十八人子晉太子也是為王

子喬靈王第三女名觀靈字衆愛子子喬為別生妹受

子喬飛解脫網之道又有妹觀香成道受書為紫清宮

內侍如領東宮中候真夫人子喬兄弟得道

者七人其眉壽是觀香之同生兄亦得道

相風竿

晉令車駕出入相風前引先賢傳太僕寺丞高岱立一竹竿於庭前其上有樞機標以雞尾相

風色以驗吉凶傳云相風賦棲神

鳥於竿首孫楚賦建殊才於辰極

八桂林邊九芝草

八桂

注見上卷漢舊儀元豐六年甘泉宮產芝九莖金色綠葉朱實夜有光乃作芝房之歌

短襟小鬢

相逢道入門暗數一千春願去閏年留月小梔子交加

香蓼

音了

繁停辛佇苦留待君

本草梔子味辛蓼味苦。仙家相逢以千歲為期。惟

留待之切故欲去閏年而留月小也

右一曲樓上

閨門日下吳歌遠

通典吳歌雜曲並出江東晉宋以來稍有增廣梁內人王金珠善歌吳聲

西陂路綠菱香滿滿後溪暗起鯉魚風

提要錄鯉魚風九月風也梁簡

文帝詩烟生陽燄火塵散鯉魚風李賀詩鯉魚風起芙蓉老

船旗閃斷芙蓉幹輕

一作

傾身奉君畏身輕

道源注拾遺記飛燕每輕風至殆欲隨風入水暗用此事

雙橈兩

槳樽酒清莫因風雨罷團扇此曲斷腸惟北聲

古今宗錄團扇

郎歌者晉中書令王珉好捉白團扇與嫂婢謝芳姿有情好嫂捶撻婢過苦王東亭聞而止之芳姿素善歌嫂令歌一曲當赦之芳姿應聲而歌白團扇辛苦互流連是郎眼所見珉聞更問汝歌何道芳姿即改歌云白團扇願得非昔容羞與郎相見後人因而歌焉呂氏春秋有娥氏二佚女帝令燕遺二卵北飛不返二女作歌始為北音文心雕龍塗山歌于候人始為南音有娥謠乎飛燕始為北聲

低樓小徑城南道

猶自金鞍對芳草

右一曲湖中

贈送前劉五經映三十四韻

建國宜師古興邦屬上庠從來以儒戲

家語哀公曰終沒吾世弗敢以

儒為安得振朝綱叔世何多難茲基遂已亡泣麟猶委戲笑

吏歌鳳更佯狂屋壁餘無幾焚坑逮可傷挾書秦二世

漢書惠帝四年除挾書律張

壞宅漢諸王

漢書魯共王壞孔子舊宅

晏曰秦律敢有挾書者族

以廣其居聞鐘磬琴瑟之聲遂不敢復壞於其壁中得古文經傳

草草臨盟誓區區務

富強微茫金馬署

後漢馬援傳武帝時善相馬者東門京鑄作銅馬法獻之詔立馬於魯班

門外更名魯班門曰金馬門漢書

狼籍鬪雞塲

漢書宣帝少喜

東方朔公孫弘皆待詔金馬門

莊子儵與忽謀報混沌

游俠鬪雞走馬上

盡欲心無竅

之德曰人皆有七竅此

下諸陵周偏三輔

獨無

皆如面正牆驚疑豹文鼠

爾雅注鼯鼠文采如豹漢武時得此鼠終軍知

有

之賜帛百匹又擊虞三輔決錄載竇攸事亦同

貪竊虎皮羊

揚子羊質而虎皮見草而悅見豺而

戰

南渡宜終否

南渡謂晉元帝渡江

西遷冀小康

西遷謂陳後主歸隋

策非

方正士貢絕孝廉郎海鳥悲鐘鼓

莊子昔者海鳥止於魯郊魯侯御而觴之

於廟奏九韶以為樂具太牢以為膳鳥乃眩視憂悲三日而死江淹詩咸池饗爰居鐘鼓或悲辛

狙公

畏服裳

廣雅狙一名狙莊子狙公賦茅曰朝三而暮四衆狙皆怒然則朝四而暮三衆狙皆喜又曰猿

狙而衣以周公之服彼必

多岐空擾擾

列子大道以多岐亡羊學以多

齟齬悅裂盡去而後噍

方喪

幽室竟偃偃

禮記瞽者無相偃偃乎其何之終夜有求于幽室非燭何見

凝邈

生

莫為時範虛空作士常

凝邈虛空蓋指何平叔王夷甫諸人也

何由羞五

霸直自咎

啓

三皇

說文咎訶也曹植書田巴毀

五帝罪三王咎五霸於稷下

別派驅

揚墨他鑣並老莊詩書資破冢

莊子儒以詩禮發冢

法制困探囊

莊子將為肱筐探囊發匱之盜而為守備則必攝絨膝固局鑰

周禮仍存魯隋師果禪

唐鼎新麾一舉

書右秉白旄以麾

革故法三章星宿森文雅風

雷起退藏繆因為學切

漢書夏侯勝黃霸皆下廷尉繫獄當死霸因從勝受尚書獄中

再踰冬積

掌故受經忙

史記晁錯以文學為太常掌故文帝時天下無治尚書者帝遣

三歲乃出

錯受尚書伏生所還以尚

書稱說詔以為太子舍人

夫子時之彥先生跡未荒褐

衣終不召白首興難忘感激殊非聖

後漢書桓譚極言識之非經帝大怒

曰桓譚非聖無法將下斬之良久得解

棲遲到異糧

禮記五十異糧注糧糧也

片辭褒

有德一字貶無良燕地尊鄒衍

史記鄒衍如燕燕昭王擁篲先驅列弟子之坐

受業

西河重卜商

子夏居西河教授為魏文侯師

式閭真道在擁篲信

焉

謙光

原注外舅太原公亦受經於公也○按外舅謂王茂元

獲預青衿列叨來絳

帳旁雖從各言志還要大為防

禮記大為之防民猶踰之

勿謂孤寒

棄深憂訐直妨叔孫讒易得

見論語

盜跖暴難當

詳莊子盜跖篇

雁下秦雲黑蟬休隴葉黃莫踰

一作渝

巾屨念容許後升

堂

哭遂州蕭侍郎二十四韻

唐書遂州遂寧郡屬山南東道舊書太和

九年六月京兆尹楊虞卿坐妖言得罪人皆以
為冤誣宰相李宗閔於上前極言論列上怒數
宗閔之罪叱出之貶明州刺史再貶虔州長史
貶吏部侍郎李漢為鄆州刺史刑部侍郎蕭澣
為遂州刺史
澣通鑑作瀚

遙作時多難先令禍有源初驚逐客議旋駭黨人冤密

侍榮方入司刑望愈尊

唐六典龍朔三年改刑部尚書為司刑太常伯

皆因優

詔用實有諫書存苦霧三辰沒窮陰四塞昏虎威孤更

假戰國策虎得狐狐曰無啖我天帝令我長百獸我為

子先行子隨我後百獸見我敢不走乎虎隨狐而行

百獸皆走虎不知百獸
畏已反以為畏狐也

隼擊鳥踰喧

月令立秋日鷹隼始擊

徒欲

心存闕

文子身在江海之上心在魏闕之下

終遭耳屬垣

詩耳屬于垣

遺音和

蜀魄易簣對巴猿有女悲初寡無男泣過門

原注公止裴氏一女

結襦之明年

朝爭屈原草

史記屈原為楚懷王左徒王又喪良人甚任之上官大夫與同列爭

寵而心害其能王使原造為憲令原屬草藁

廟餒莫一

作

未定上官大夫見而欲奪之原不與因讒之

若教魂

左傳若教氏之鬼不其餒而

迴閣傷神峻長江極望翻青雲

寧寄意白骨始霑恩早歲思東閣為邦屬故園

原注余初謁於

鄭舍○按舊唐書太和七年蕭澣為鄭

州刺史義山有居在鄭州故曰故園

登舟慚郭泰解

榻愧陳蕃分以忘年契情猶錫類敦公先真帝子

蕭氏乃蕭

梁之

我系本王孫

注見上卷

嘯傲張高蓋從容接短轅秋吟

後

小山桂

文選注淮南王安好士八公之徒分造詩賦或稱大山小山猶詩有大雅小雅也招隱士桂樹

叢生兮

春醉後堂萱自歎離通籍

漢紀注籍者為二尺竹牒記其年及名字

山之幽

物色懸之宮門

何嘗忘

去聲叫閣

不成穿壙

相應乃得入也

何嘗忘

叫閣

甘泉賦遜巫咸兮叫帝閣

不成穿壙

入史記田橫與二客乘傳詣洛陽未至三十里終一作自殺以王禮葬二客穿塚旁皆自刎下從之

擬上書論多士還魚貫云誰正駿奔暫能誅儵忽

莊子南海

之帝曰儵北

長與問乾坤蟻漏三泉路

三輔故事始皇葬驪山起墳高

海之帝曰忽

五十大下周三

蟹啼百草根

玉篇蟹寒蟬屬

始知同泰講

梁書武帝

聽覽餘聞即於同泰寺講說涅槃大品淨名

三慧諸經名僧碩學四部聽衆常萬餘人
徼福是虛

言

錢龍惕箋澣坐宗閔虞卿牽累本當時黨魁故曰初
驚逐客議旋駭黨人冤也時李訓鄭注竊弄威權凡
不附已者目為宗閔德裕黨貶逐無虛日中外震駭
連月陰晦人情不安故曰苦霧三辰沒窮陰四塞昏
虎威孤更假隼擊鳥逾喧也澣沒於遂寧故曰遺音
和蜀魄易簣對巴猿也訓注誅後文宗始大赦量移
貶謫諸臣故曰青雲寧寄意白骨始霑恩也義山至
開成二年始登第故曰自歎離通籍何嘗忘叫閭也
因澣為梁武後裔故引同泰徼
福之事以為虛語傷之之深也

送千牛李將軍赴闕五十韻

通典千牛刀名後魏有千牛備身掌

執御刀因以名職顯慶五年置左右千牛府後改為衛置大將軍一人將軍各一人以副之

詳詩語李千牛

乃李晟之孫

照席瓊枝秀

離騷折瓊枝而繼佩

當年紫綬榮

漢官儀公侯皆紫綬傳龜舊唐書興

服志侍中中書令加貂蟬佩紫綬按興

班資古直閣

一作

元元年李晟加中書令故云紫綬榮

閭。通典梁天監六年置左右驍騎領

勲伐舊西京在

朱衣直閭給儀從隋置備身府即其職

昔王綱柰因誰國步清如無一戰霸

左傳一戰而霸

安有大橫

庚

漢文帝本紀大臣使人迎代王王卜之兆得大橫占曰大橫庚庚子為天王注龜曰兆筮曰卦卜以荊灼

龜文正橫也

庚庚橫貌

內豎依憑切函門責望輕

淮南子大將受命已則設明衣

剪指爪鑿

中台終惡直上將更要盟

按唐書代宗時宦官程元振譖殺來

函門而出

瑱河北叛鎮率以籍口所謂內豎依憑切也諸節度使

各置監軍兵柄不一所謂函門責望輕也宰相張鑑忠

直為德宗所重盧杞忌之出之於鳳翔所謂中台終惡

直也朱滔拒命賜爵通義王冀以安之滔反謀益急所

謂上將更

丹陛祥烟滅皇闈殺氣橫喧闐衆狙怒

注見前

要盟也

容易八蠻驚擣杙寬之久防風戮不行

家語禹致羣臣于會稽防風氏

後至戮而殺

素來矜異類此去豈親征捨魯真非策

禮記

之其骨專車

我舍魯

居邠未有名

居邠見孟子○通鑑大厯中朱泚入朝留京師建中元年令鎮鳳翔

奚適笑

三年朱滔以蠟書約泚同反馬燧獲之以聞上召泚慰勉之賜予甚厚泚怏怏思亂舊唐書建中四年十月丙午詔涇原節度使姚令言率兵救哥舒曜涇原軍出京城至澠水倒戈謀叛令言不能禁上令載繒綵二車遣晉王往慰諭之亂兵已陣於丹鳳闕下促神策軍拒之無一人至者上乃與太子諸王妃主百餘人出苑北門其夕至咸陽飯數匕而過令言率曾無力牧御聖賢羣亂兵奉朱泚為主戊申上至奉天

后受金法力墨受準尺宋均曰力墨或作力牧黃帝七輔之二帝王世紀黃帝得風后于海隅力牧于大澤

寧待雨師迎

風俗通玄冥雨師也廣雅雨師曰屏翳

進掃雨師灑道

火箭侵乘石

尸子昔者武王崩成王少周公旦踐東宮履乘石祀明堂假為夫子

七年注乘石王所登上車之石也

雲橋逼禁營

雲橋即雲梯

何時絕刀斗不

夜見欖槍

爾雅彗星為欖槍注亦謂之字天文錄偏指曰彗芒氣四出曰字

屢

浪遇切

亦

聞投鼠

漢書投鼠忌器

誰其敢射鯨

舊唐書泚自將侵逼奉天軍勢頗盛於奉天東三里

下營大修攻具十一月乙亥杜希全與賊戰於漠谷官

軍不利賊攻城益急矢石雨下人心危懼戊子賊造雲

橋攻城東北隅兵仗不能及城中震恐相顧

世情休念

失色渾城預為地道命縱火焚之賊乃退

亂物議笑輕生大鹵思龍躍

說文鹵西方鹹地也左傳晉荀吳敗狄于大鹵注大

鹵太原晉陽地一行并州起義堂頌我高祖龍躍晉水

鳳翔太原冊府元龜太宗生時有二龍戲於門外井中

經三日乃

蒼梧失象耕

象耕注見中卷

靈衣沾愧汗

楚詞靈衣兮披披

儀馬困陰兵

道源注儀馬廟中木馬也甘澤謠許雲封因乘儀馬入長安。按高宗葬乾陵在奉

天縣舊唐書朱泚據乾陵作樂下瞰城中辭多侮慢通鑑自賊攻城斬乾陵松柏以夜繼晝泚移帳於乾陵下視城中動靜皆見之蒼梧失象耕言賊驚陵寢也靈衣儀馬皆陵廟中物困陰兵似暗用昭陵石馬汗流事

別館蘭薰酷深宮蠟燭明舊唐書姚令言迎泚於晉昌里第泚乘馬擁從北向燭炬

星羅觀者萬計明日入黃山遮舞態漢書武帝微行北至池陽西至黃山

居舍元殿徙居白華殿晉灼曰黃山宮名在槐里長安志右黑水斷歌聲禹貢

扶風槐里縣有黃山宮惠帝三年起史記武安君白起大破趙于長平坑降卒

西河惟縱未移周鼎何辭免趙坑史記武安君白起大破趙于長平坑降卒

雍州四十空拳當作轉鬪地司馬遷書李陵提步卒不滿五千轉鬪千里矢盡道窮張空拳

敵注余萬冒白刃北向爭死數板不沈城史記智伯與韓魏攻趙

敵注拳弩弓也數板不沈城晉陽引汾水灌之城不

浸者三板。○通鑑賊并兵攻城東北隅賊已有登城者上與渾瑊對泣時士卒凍餒又無甲冑瑊激以忠義力

戰敗之入夜泚復來攻且欲憑神算無因計力爭幽囚城矢及御前三步而墜

蘇武節事見漢書。通鑑大理卿蔣沆詣行在為賊所得沆絕食稱病潛竄得免棄市仲由

纓事見史記。通鑑司農卿段秀實與劉海賓何明禮岐靈岳密謀誅泚泚召秀實等議稱帝事秀實勃然

起奪源休象笏唾泚面大罵因以笏擊之纔中其額濺血滿地賊衆爭前殺之海賓等相次死下殿言

終驗下殿注見中卷增埤事早萌原注先時桑道茂請修奉天城。通鑑建中元年六月術

士桑道茂言陛下不出數年暫有離宮之厄臣望奉天有天子氣宜高大其城以備非常辛丑命築奉天城

蒸雞殊減膳左傳公饒日雙雞饗人竊更之以驚御者知之去其肉而以其洎饋注洎肉汁也饗

人御者欲使諸大夫怨慶氏減其膳蓋盧蒲癸王何之謀

屑麴異和羹

晉愍帝紀永嘉四年冬十

月京師饑甚米斗金二兩人相食死者大半太倉有麴數千餅麴允屑為粥以供帝。唐書奉天圍久食且盡以蘆稊帝馬大官糲米止二斛圍解父老爭上壺飡餅餌通鑑時供御止有糲米二斛每伺賊休息夜繼人於城外采蕪菁

否極時還泰屯餘運果亨流離幾南度倉

卒得西平

唐書李懷光與朱泚通謀興元元年二月上南幸梁州是年八月李晟改封西平郡王

神鬼収昏黑姦亮首

去聲

滿盈官非督護貴

通典漢置西域都護晉宋

以後有督護之官亦其任也齊書廣州西南有二江川源深遠別置督護專征討之

師以丈人貞

見易覆載還高下寒暄急改更馬前烹芥卓壇上揖韓彭

舊唐書神策將李晟自定州率師赴難軍於渭橋興元
元年五月移軍光泰門外賊來薄我軍奮擊大破之追
擊至白華門朱泚姚令言率衆遁去晟收復京城渾瑊
戴休顏韓遊瓌亦破賊於咸陽泚走至彭原西城屯韓
旻斬之傳首行在姚令言投涇州
源休李子平走鳳翔尋並斬獲
扈蹕三才正回軍六

合晴

舊唐書七月壬午車駕至自興元渾瑊韓遊瓌以
其衆扈從李晟駱元光尚可孤以其衆奉迎步騎

十餘萬旌
旗數十里

此時惟短劍仍世盡雙旌

唐書節度使賜雙旌節行則建節

樹六纛按晟子愿懇
聰憲皆為節度使

顧我由羣從

唐書元和四年詔以
晟配饗德宗廟廷其

家編附屬籍義山本
宗室故云猶羣從

逢君嘆老成慶流歸嫡長

舊唐書
晟十五

子長子侗無祿早世此云
嫡長豈千牛乃侗之子歟

貽厥在名卿

詩貽厥
孫謀

隼擊須

欽定四庫全書

李義山詩集注

卷三上

三九

當要鵬搏莫問程趨朝排玉座出位泣金莖幸籍梁園

賦

注見前

叨蒙許氏評

後漢書許劭論鄉黨人物每月朔輒更品題故汝南有月旦評

中

郎推貴壻

道源注世說謝中郎萬是王藍田女壻

定遠重時英

後漢書班超封定遠

侯

政已標三尚

三尚未詳或曰即夏尚忠商尚質周尚文

人今佇一鳴

淳于髡傳

此鳥不鳴則

長刀懸月魄

古樂府何當大刀頭破鏡飛上天吳兢解題大刀頭刀頭

有環問夫何時當還也破鏡

快馬駭星精

天文志房為天府曰天駟

飛上天言月半缺當還也

其陰右驂白帖

披豁慚深眷睽離動素誠蕙留春晚晚

馬為房星之精

松待歲崢嶸

鮑照詩歲崢嶸而催暮

異縣期迴鴈

古樂府他鄉復異縣回鴈謂鴈

書登時已飯鯖

字林鯖雜者也道源注西京雜記婁君卿思遊五侯之門每旦五侯遺餉之君

卿合為鯖世傳五侯鯖

去程風刺

七跡切

刺別夜漏丁丁庾信生多

感揚朱死有情絃危中婦瑟

古樂府大婦織綺羅中婦織流黃小婦無所為挾瑟

上高甲冷想夫第

杜甫詩銀甲彈箏用道源注唐樂府有相府運後語訛為想夫憐樂苑曰

想夫憐羽調曲也

會與

去聲

秦樓鳳俱聽漢苑鶯洛川迷曲沼烟

月兩心傾

詠懷寄秘閣舊僚二十六韻

魏畧蘭臺為外臺秘書為內閣○義

山釋褐秘書省校書郎故有舊僚

年鬢日堪悲，衡茅益自嗤。攻文枯若木，

郭象莊子注：與枯木同，其不華。

處世鈍如鎚。

晉書：祖約謂梅陶鍾雅曰：君汝穎之士，利如椎，我幽冀之士，鈍如鎚。

敢忘去聲。

垂堂戒。

漢書：千金之子，坐不垂堂。

寧將暗室欺。

梁簡文帝紀：不欺暗室，豈況三光。

懸。

頭曾苦學。

楚國先賢傳：孫敬在太學，編柳為簡，以寫經，睡則懸頭於梁。

折臂反成醫。

左傳：三折肱，知為良醫。

楚詞：九折臂而成醫。

僕御嫌夫懦。

乳充切。韻會：漢書。

公卿遜慙劣。

孩童笑叔癡。

晉書：王湛初有隱德，皆以為癡。兄子濟輕之，嘗詣湛談。

易：玄理微妙。

嘆曰：家有名士，三十年而不知。

小男方嗜。

武帝見濟曰：卿家癡叔死未？曰：臣叔殊不癡。

栗。

陶潛責子詩：通子垂九齡，但覓梨與栗。

幼女漫憂葵。

列女傳：魯漆室女倚柱而嘯，隣婦曰。

欲嫁乎曰我憂魯君老太子少也婦曰此魯大夫之憂女曰昔晉客舍我家繫馬於園馬佚踐我園葵使我終

葵不厭

遇灸

一作

誰先噉

語林王右軍年十一周顗異之時絕重牛心炙座客來未

噉先割啖右

逢齏即便

一作

吹

楚詞懲于羹者吹齏王逸注言人歔羹而熱中

心懲之見齏

官衙同畫餅

道源注魏志名士如畫地為餅不可啖食

面貌乏

凝脂

世說王右軍見杜弘治嘆曰面如凝脂眼如點漆此神仙中人

典籍將蠡測

東方朔傳

以蠡測海張晏曰瓠瓢也

文章若管窺

王獻之傳此即亦管中窺豹時見一斑

圖形翻

類狗

馬援傳畫虎不成反類狗也

入夢肯非羆

六韜文王將田卜曰所獲非龍非麕非虎

非羆乃伯王之輔

自晒成書簾

晉書傅廵廣讀書而不解其義劉柳惟讀老子

而已廸每輕柳柳曰卿讀書雖多而無所解可謂書簾矣唐書李善淹貫古今不能屬辭號為書簾終當

呪酒卮

晉書劉伶求酒於妻妻諫曰非養生之道宜斷之伶曰善當祝鬼神自誓耳卿可致酒五斗吾

當斷之

妻如其言伶祝曰天生劉伶以酒為名一飲一

石五斗

解醒婦人之言慎不可聽於是飲酒御肉塊然

復醉韻會

懶霑襟上血琴操卞和抱玉而哭畫羞鑷鏡

祝或作呪

夜不止涕盡繼之以血

中絲

齊書高帝曰豈有為人作曾祖而鑷白髮者乎

索籥言方喻

老子天地之間其猶索籥

乎虛而不屈

擣捕齒詎知

馬融擣捕賦排五木散九齒葛洪別傳洪少好讀書至不

動而愈出

知棊局幾道不

事神徒惕慮佞佛愧虛辭

晉書何充與弟準俱崇信

識擣捕幾齒

釋氏謝萬譏之

曲藝垂麟角

北史文苑傳學者如牛毛成者如麟角駱賓王啓業

云二何佞佛

成麟角引茅茹而彈冠

浮名狀虎皮

注見前

乘軒寧見寵

左傳衛懿公好鶴鶴

有乘軒者注軒大夫車也

巢幕更逢危

左傳夫子之在此也猶燕之巢於幕上西征賦危素卵之

索穀甚玄燕之巢幕禮俗拘嵇喜

晉書阮籍見禮俗之士以白眼對之嵇喜來弔籍作白眼喜不

憚而侯王忻戴達

晉書戴逵字安道性高潔以禮度自處累徵為散騎常侍不至太元二十

年太子太傅會稽王道子少傳王雅居事王珣上疏曰達執操貞厲含味獨遊年在耆老清風彌劬東宮虛德式延事外宜加旌命

途窮方結舌靜勝但揶揄

支頤王維詩支

顧問樵客糲食空彈劍

孟嘗君傳馮驩劍而歌曰長鋏歸來乎食無魚

亨衢詎

置錐

莊子堯舜有天下子孫無置錐之地

柏臺成口號

三輔黃圖武帝元鼎二年春起柏梁

臺帝嘗置酒於其上詔羣臣二
千石能為七言詩者乃得上坐
芸閣暫肩隨秘閣掌秘書圖籍故

稱芸閣禮記五年

悔逐遷鶯伴誰觀擇虱時

晉書王導在揚州辟

以長則肩隨之

顧和為從事月旦當朝未入停車門

甕間眠太率

晉書畢卓

外周顗遇之和方擇虱夷然不動

為吏部郎比舍郎酒熟卓夜至其甕

牀下隱何卑

道源注唐

間盜飲之醉卧其下為掌酒者所縛

書王維私邀孟浩然入內署

奮跡登弘閣一作閣。公孫弘東閣見

俄而玄宗至浩然匿牀下

前推心對董帷

漢書董仲舒為博士下帷講誦弟子轉相授業莫見其面

校讐如有

暇松竹一相思

戊辰會靜中出貽同志二十韻

大道諒無外會越自登真丹元子何索

黃庭經心神丹元字守靈在

已莫問隣

道源注內景經真人在已莫問隣

精瑤玉琳華

黃庭經赤珠靈裙華精瑤

真誥上元夫人腰垂鳳文琳

翱翔九真君

太工正法經九真者九天

華之綬執流黃揮精之劍

之陰氣凝而成也神仙傳得仙者

戲擲萬里火

神仙感遇傳玄

有九品第一上仙號九天真王

宗與張果葉法善基名羅公遠齒坐劍南有果初進名

為日熟子張葉以術取每過午必至其日繼夜都不到

相顧曰莫是羅君否時天寒圍爐公遠笑於火中樹一

筓及此除之遂至葉誥使者云欲到京焰火亘天無路

可過值火歇方得度道源注

聊名六甲旬

漢武內傳上元夫人授帝

度人經擲火萬里流金八衢

六甲左右靈飛之符可以召山靈朝地神真誥仙道有

素奏丹符以召六甲西谿叢語古以甲子數日故謂之

旬如今陰陽家所云甲子旬中甲午旬中之類

瑶簡被靈誥

瑶簡玉簡也太上八素經司命著籍

玉簡丹書沈約華山館營功德詩玉簡黃金編真誥許長史云欽願崇榮欣想靈誥

持符開

一作關

七門

黃庭經負甲持符開七門注謂七竅雲笈七籤五色煥耀昇入七門

金鈴攝羣魔

真誥

老君佩神虎之符帶流金之鈴

絳節何旒

音旒絳節注華旒見中卷

說文旒進也夫子廟堂碑旒旒讓席

吟弄東海若

楚詞令海若兮舞馮夷

笑倚扶桑

春三山誠迴

一作迴

視九州揚一塵

海外更有九州揚塵用麻姑語

我本

玄元胄

一作肩。封演見聞記國朝以李氏出自老君故崇道教高宗乾封元年還自岱岳過真源詣

老君廟追尊為玄元皇帝

稟華由上津

韻會津氣液也曹昆詩體鍊五靈妙氣含雲露津

中

迷鬼道樂

佛經六道中有鬼道

沈為下土民

漢武內傳帝下席叩頭曰徹下土濁民

託質屬太陰鍊形復為人

神仙傳仙家有太陰鍊形之法能令日中無影集仙錄七

魄營侍三魂守宅者或三十年二十年十年三年當血肉再生復質成形必勝於未死之容此名鍊形太陰易

貌三宮

誓將覆

芳六切

宮一作

澤安此真與神

道源注覆還也還元

辰本宮之澤以安此真神也

龜山有慰薦

集仙傳西王母者九靈太妙龜山金母也天上天下

三界十方女子之登仙者咸隸焉所居宮闕在龜山泰山西那之都

南真為彌綸

南岳魏夫人傳

夫人北詣上清宮玉闕之下諸真君授夫人玉札金文位為紫虛元君領上真司命南岳夫人比扶仙公陶貞白真誥所呼南

玉管會玄圃

大戴禮舜時西王母獻白玉管十洲記崑崙山三角

其一角正西
曰玄圃臺

火棗承天姻

真誥紫微王夫人謂許長史曰交梨火棗騰飛之藥不比

於金丹也君心中荆棘相雜是以二樹不見酉陽雜俎
祁連山上有仙樹其實如棗以竹刀剖則苦以木刀剖

則酸以蘆刀剖則辛以金刀剖

科車過故氣

道源注王母傳科車

則甘或曰此即仙經所謂火棗

天馬霓旌羽幢千乘萬騎光耀宮闕雲笈七籤存日如

雞子在泥丸中畢乃吐出一氣存氣為黑色名之尸氣

次吐二氣為日色名之故氣次吐三氣存氣為蒼色名

之死氣真誥人卧室宇當令潔淨則受靈氣否則受故

氣注謂塵濁

侍香傳靈氣

一作芬。真誥仙宮有侍香之職說文氣祥氣也

不正之氣

飄被青霓

司馬彪詩上凌青雲霓李賀錄封章事青霓叩額呼宮神

婀娜佩紫紋

真誥

仙道十七條在靈書紫文中並琅玕藥之所化也紫紋疑作文

林洞何其微下仙不

與羣

道書有上仙中仙下仙

丹泥因未控

抱朴子李公丹法用真丹及五石之水各一升

和合如泥上清經真丹秘訣先以黃丹三五斤漸築令實約厚五寸更下丹輕築都大令實取鼎為度不計斤數然後以六一泥泥鼎丹房湏知藥泥十四日黃土蚌粉石灰赤石脂食鹽六味各一兩為末水調用之名六泥

一萬劫猶逡巡荆蕪既以薙舟

一作丹誤

壑永無湮

一作因莊子

藏舟於壑夜半有力者負之而趨○言人心稠濁如荆榛之蕪穢能剪薙之斯清淨可守永無壑舟之移矣

相期保妙命

真誥有保命君雲笈七籤太乙保命固神定生

騰景侍帝宸

道源注真

誥侍帝宸有八人如世之侍中王子喬郭世幹皆為之雲林石英王夫人詩相携侍帝宸

和鄭愚贈汝陽王孫家箏妓二十韻

北夢瑣言鄭愚廣州

人擢進士第駸厯清要舊唐書咸通三年充嶺南西道節度使唐書讓皇帝子璿開元中封汝

王陽

冰一作水

霧怨何窮秦絲嬌未已

秦絲注見前

寒空烟霞高白

日一萬里碧嶂愁不行濃翠遙相倚茜袖捧瓊姿皎日

丹霞起

四句言筇妓之麗

孤猿耿幽寂西風吹白芷

九歌辛夷楣兮葍房

注葍白芷也

回首蒼梧深女蘿閉山鬼

九歌山鬼被薜荔兮帶女蘿杜甫詩山鬼

閉門中。四句

荒郊白鱗斷

魚書難寄

別浦晴霞委長約

職畧

言箏聲之哀

切壓河心

說文洑水上橫木所以渡者

白道連地尾

地尾地盡處。四句言所思之

人不秦人昔富家

一作貴

綠窓聞妙音鴻驚雁背飛象牀

殊故里因令五十絲中道分宮徵

集韻秦人薄義有父子爭瑟者各入其半

故當時名為箏
古以竹為之

斗粟配新聲

漢書淮南王長死民作歌曰一尺布尚可縫一斗粟

尚可春兄弟

娣姪徒纖指

說文娣女弟也又娣姪也姪兄之女也○按箏本父

子爭瑟而起此詩上云鴻驚雁背飛下云斗

風流大堤

粟配新聲似作兄弟事用豈所傳有不同耶

上清商曲襄陽樂朝發襄陽城莫至
大堤宿大堤諸女兒花艷驚郎目
悵望白門裏

白門注見

中蠹粉實雌絃

說文蠹木中蟲也又衣書中蟲俗呼蠹魚其粉鱗手觸則落碎之如銀漢書黃

帝制十二簫其雄鳴為六雌

燈光冷如水羌管促蠻柱

鳴亦六○此句之義未詳

羌管笛也馬融長笛賦近世雙笛從羌起按晉書桓伊令奴吹笛伊撫箏而歌怨詩促蠻柱竹與絲合也從

醉吳宮耳滿內不掃眉君王對西子

道源注西子擅寵故宮內不復掃眉

言箏妓

初花慘朝露冷臂淒愁髓一曲送連錢

橫吹曲紫駟馬

同之

長安美少年金絡飾連錢爾雅青驪驕

遠別長於死

言彈

曰驪注色斑駁如魚鱗今連錢驄也

入送遠別離之

玉砌銜紅蘭粧窻結碧綺九門十二關

曲益增慘淒

清晨禁桃李

道源注言箏妓所處華邃桃李之容不可得窺

四年冬以退居蒲之永樂渥然有農夫望歲之

志遂作憶雪又作殘雪詩各一百言以寄情於

游舊

憶雪

愛景人方樂同雲候稍愆徒聞周雅什

小雅南山上天同雲雨雪雰雰

願賦朔風篇

衛詩北風其涼雨雪其雰雪賦詠南山於周雅歌北風於衛詩

欲俟千箱

慶湏資六出妍

韓詩外傳草木花多五出雪花獨六出

詠留飛絮後

注見上卷

歌唱落梅前

梁簡文帝雪朝詩落梅飛四注

庭樹思瓊蕊粧樓認粉綿

瑞邀盈尺日

雪賦盈尺則呈瑞於豐年

豐待兩岐年

後漢書張堪為漁陽太守百姓

歌曰桑無附枝麥秀兩岐詩傳豐年之冬必有積雪沍勝之書雪是五穀精

預約延枚酒

用兔

園事 虛乘訪戴船

語林王子猷雪夜訪戴安道時戴在剡溪便乘輕船就之既造門不前便

見前人問其故曰吾本乘興而行興盡而返何必見戴

映書孤志業

談數齊太原孫伯翳家貧常映

雪讀書與王亮

披篲阻神仙

晉書王恭乘高興披鶴氅范雲為莫逆交

神仙中人

幾向霜階步頻將月幌褰玉京應已足白屋但

顯然

殘雪

旭日開晴色寒空失素塵

何遜雪詩時逐微風起誰言非玉塵

遶牆全剝

粉傍井漸消銀刻獸摧鹽虎

左傳王使周公閱來聘享有昌歜白黑形鹽辭曰國

君文足昭也武可畏也
則有鹽虎形以獻功

為山倒玉人

世說嵇叔夜醉珠如玉山之將頽

還猶照魏

用照乘珠事見上卷

壁碎尚留秦

史記秦王得趙璧無意償城闕相如前日

壁有瑕請指示王因持壁却立曰
王必欲急臣臣頭與壁俱碎矣

落日驚侵晝餘光悞

惜春簷冰滴鶯管

李賀詩王子吹笙鶯管長

屋瓦鏤魚鱗

庾信賦秦王餘石仍

為雁齒之階漢后舊
陶即用魚鱗之瓦

嶺霽嵐光坼松暄翠粒新

顧愔新羅國記

松樹大連抱有五粒子形如桃仁而稍小皮硬浸酒療
風酉陽雜俎松凡言兩粒五粒粒當言鬣五粒松皮不

鱗李賀有五粒小松歌

擁林愁拂盡著砌恐行頻焦寢忻無患

高士

傳焦光野火燒廬因露寢遭大雪
光袒卧不移人以為死就視如故

梁園去有因

雪霽故去莫

能知帝力空此荷平均

大鹵平後移家到永樂縣居書懷十韻寄劉韋

二前輩二公嘗於此縣寄居

大鹵注見前唐書會昌四年正月河

東都將楊弁逐節度使李石據軍府應劉稹三月李義忠克太原生擒弁盡誅亂卒

驅馬遶河千家山照露寒

上林賦過鵙鵲望露寒注觀名在雲陽甘泉宮按太原唐

北都故得用之

依然五柳在況值百花殘昔去驚投筆今來分

挂冠

漢書逢萌解冠挂東都城門梁書陶弘景挂冠神武門

不憂懸磬乏

國語室如懸磬

乍喜覆孟安

東方朔傳連四海之外以為席安於覆孟

甑破寧迴顧

後漢書孟敏荷

甌墮地不顧而去郭泰問其故曰甌已破矣顧之何益

舟沉豈暇看

豫章記聶友夜射白鹿尋

踪不見乃見箭著一梓樹伐之取二板為艣後友船行遇風作皆沒惟友船獨全尋看乃向梓板夾扶其船

脫身離虎口

莊子料虎頭編虎須幾不免虎口哉

移疾就豬肝

後漢書大原閔仲叔

徵博士不至客居安邑老病家貧不能肉日買豬肝一片安邑令聞之勅吏常給仲叔曰豈可以口腹累安邑

去遂鬻入新年白顏無舊日丹自悲秋獲少誰懼夏畦難

逸志忘鴻鵠

陳涉傳燕雀安知鴻鵠之志哉

清香披蕙蘭還持一杯酒

坐想二公懽

李義山詩集註卷三上

謹案第六頁後一行南山按此亦當作山南道也
注並誤

第十頁後七行其子絢按其子者自令狐楚言之
今子上不著令狐楚字則此句不成文義

第二十九頁後六行秦絲不上蠻絃絕刊本絕訛
維今改


第三十頁前一行啼蛄弔月鉤欄下刊本蛄訛鵠
據昌谷集改

第三十三頁後八行敢不走乎刊本敢不訛能無

今改

第四十三頁後四行音莘刊本莘訛精據唐韻改





總校官庶吉士臣張能照
校對官庶吉士臣陳文樞
騰錄監生臣周燮